

Unta Dakra 3

UNTA DAKRA KULKAN BA TASBA AISKARA

Ciencias smalkanka wal prakanka manas brisa
Manka Ulanka 4–6

LAN TAKAYA BAPANKA NANI

Na lan takanka nata alkan pyuara /
skul tuktan nani ba sip kabia

- Kasak param munaya sip kabia dus kulkanka tara briba tasba aiskara
- Tawan bilara dus nani satka bani pawiba kaiki lan kabia
- Kasak aisaya sipkabia nahki dusnani ba tasbara rayakanani ba wal aslaba

DIA YUS MUNAYABA

- RACHEL bara ciencias aisikaikaya wahtaika nani
- Wauhtaya tara nani
- Mapla ulbaika dusa bara pincil mapla banira
- Sisars bara wahtaya prakaika

PYU NAHKI YUS MUNAYA BA

- 15 mints ta krikanka bila
- 60 minits daknira tanka nani pliki kaikaya
- 45 minits skul bilara aikuki aisikaikanka briaya

Sut bara pyuaba ba lika 2

NAHKI DAUKAYA BA

01 Ta krikanka

- ¿Yawan dia nusa dusnani dukira bara unta tara nani ba, tasba ra rayaka nani sut wal asla ba tanka?
- Wahia bara wakia naniba kasak wark yamni daukisa
- ¿Dus nani rau saukanka naniba ba wina dia brihbalaya sipsa?

02 Tanka pliki keiki bara marikanka daukaya

Skul tuktan nani dakni sirpira beiki sakaya:

- Dakni bani tanka pliki keikaysa dus nani bilka dukiara
- Dus wahia nani warkaba pasa puhbaika, dia wankiba bara pasara nahki klin daukiba
- Dus wakia ba: Tasbaba ai watlikara alki takaski brisa bara li ba tasbara brisa
- Unta tara nani pleskara uba li awi nanira tasba beiki sakanka nani kumi banira dia takisa
- Tawankam bara tasbaikam beiki sakan pleska wina dus nani satka 5 wahbi saki daukanka nani kumi bani dahra aisya
- Skul tuktan naniba Rachelra, aisikaikaya wahtaika nani bilkak pliki kaikaisa, dus nani keina kakahbra bara almuk nanira makabi walanka daukaisa dus rayaka ba dukiara bara nahki keina kahbayaba

03 Skul tuktan warka

Daknira warka

- Daknika nani kumy bani wahtaya tara kumra ulbanka nani redi daukaisa dia lan takanba dukiara
- Daknika kumi bani marikanka kum daukaisa dia lan takanba param munaisa
- Wahtaia tarara ulbi sakankananiba skul watla bilara prakayasa
- Skul tuktan nani ai tilakat makabi walanka pana pana daukaisa na lika warka nani wala paskanba ai tanka brin sapa dukiara

04 Nata prakanka

Ser munaya pyua

Skul tuktan nani sut wal aisaya, dus nani nitka taraba wan tawankara bara tasba aiskara sin.



Unta Dakra 4

UNTA DAKRA RAU SAUHKANKA KARNA WINA DIA BALISA

Ciencias smalkanka wal prakanka manas brisa
Manka ulanka 4–6

LAN TAKAYA BAPANKA NANI

Na lan takanka nata alkan pyuara / skul tuktan nani ba sip kabia

- Kasak param munaya sipkabia dus nani rau sauhkankani dukiara
- Ai tasbaika beiki sakan bilara dus nani rau sauhkanka natka wal aisaya sipkabia
- Ai tasbaika beiki sakan bilaraba, dus nani mapara rau saukankaba dia pitka kat ba ai tanka brikabia
- Dus nani rau sauhkanka natka karna, bara saurka 3 dukiara aisaya sipkabia
- Laki keikaya sipkabia natka 3 kum dus nanira rau saukankaba keina kahbaya natkanani

DIA YUS MUNAYABA

- Dus nani keina kahbi uplika nanira peiwaya
- RACHELS bara ciencias aisikaikaya wahtaika nani
- Dus nanira rau saukanka pleskanani (lilkika /mapa)
- Wauhtaya tara nani
- Ulbaika dusa mapla nani
- Sisars bara wahtaya prakaika

PYU NAHKI YUS MUNAYA BA

- 10 mints ta krikanka bila
- Awar 1 daknira tanka pliki keikaya
- Awar 1 unta dakra tilara wapanka bara aisi keikanka daukaya dus nani keina kakahbra nani wal
- Awar 1 skul bilara marikanka ridika daukanka
- 50 minits skul bilara aikuki aisikeikanka briaya

Sut bara 4 awar
(sipsa pyu walra daukaya)

NAHKI DAUKAYA BA

01 Ta krikanka

- ¿Yawan dia nusa BOSAWAS dus nani rau saukanka dukiara?
- Dia muni dus nani rau saukanka bara nahki keina kahbaya sipsa

02 Pana pan sinska laka briaya

- Dus nani keina kahbi uplika nanira peiwaya, wan tasbaika bilara unta dakrara rau saukankaba dukiara ria tanka wan wibia
- Tasba beiki sakan wartatakra nanira (MAPEO) marikanka kum wankbia dia pitka kat BOSAWAS bilara dus nanira rau saukankaba

03 Skul tuktan warka nani

Skul tuktan nani dakni sirpira beiki sakaya:

- Daknika bani tanka pliki keikaysa dus nani paskanka dukiara
- Dusnani, wahia nani warkaba, dia wankiba bara pasa nahki klin daukiba
- Dus nani wakia ba: Tasbaba ai pleskara alki takaski brisa bara li ba sin tasbara brisa
- Unta dakra pleskara uba li awi nanira tasba beiki sakanka nani kumi banira dia takisa

Skul tuktan naniba RACHEL turbi ai tanka briaisa, aisi keikaya wahtaika bilkak , dus nani keina kakahbranani, almuk nani wal makabi walanka daukaisa dus nani rau saukanka dukiara bara nahki keina kahbaya sipsa.

04 Nata prakanka

Ser munaya pyua

- Skul tuktika nani dakni sirpira beiki sakan naniba ai marikanka daukaisa dia aitanka brinba turbi keikan pyuara
- Skul tuktan nani sut wal, aisi keikanka briaia dus nani nitka taraba wan tawankara bara tasba aiskara sin

